



SLUŽBENI GLASNIK

OPĆINE ZAVIDOVIĆI

Broj: 7 Datum: 02.07.2002.

IZDAVAČ: Služba općinskog vijeća, općinskog načelnika i službi za upravu
REDAKCIJSKI KOLEGIJ: KATARDŽIĆ Hajrudin - Odgovorni urednik
ĐERZIĆ Mirsad, član
ČAMDŽIĆ Redžep, član

I – AKTI OPĆINSKOG VIJEĆA

Na osnovu člana 3. i 7. Zakona o komunalnoj djelatnosti («Sužbeni list SR BiH», broj 20/90) i člana 55. Statuta Općine Zavidovići («Službeni glasnik Općine Zavidovići, broj 3/2002-prečišćeni tekst), Općinsko vijeće Zavidovići na 31.sjednici od 1.7.2002. godine, donijelo je

O D L U K U
O IZMJENAMA I DOPUNAMA
ODLUKE O KOMUNALNOM REDU
I SANITARNOM MINIMUMU

Član 1.

U Odluci o komunalnom redu i sanitarnom minimumu (Službeni glasnik općine Zavidovići, broj 3/2000 i 9/2000) iza člana 77. dodaje se novi član 77a koji glasi:

“Član 77a.

Na javnim površinama na području grada nije dozvoljeno formiranje bašti u svrhu sađenja voća i povrća, kao ni ograđivanje javnih površina.”

Član 2.

Član 88a. u stavu 3 mijenja se i glasi:

“Za zauzimanje javne površine u svrhu izlaganja navedenih proizvoda, plaća se mjesečna naknada kako slijedi:

1. naknada za I zonu iznosi	12,00 KM/m²
2. naknada za II zonu iznosi	11,00 KM/m²
3. naknada za III zonu iznosi	10,00 KM/m²
4. naknada za IV zonu iznosi	9,00 KM/m²
5. naknada za V zonu iznosi	8,00 KM/m²
6. naknada za VI zonu iznosi	7,00 KM/m²”

- 165 -

Član 3.

Član 88b., stav 2 se mijenja i glasi:

“Ispred trgovačkih radnji – cvjećara, poljoprivredna apoteka dozvoljava se izlaganje cvijeća i srodnih proizvoda iz te djelatnosti (saksije, humus, biljni preparati, sadni materijal i dr.) uz naknadu za jedan mjesec kako slijedi:

1. naknada za I zonu iznosi	6,00 KM/m²
2. naknada za II zonu iznosi	5,00 KM/m²
3. naknada za III zonu iznosi	4,00 KM/m²
4. naknada za IV zonu iznosi	3,00 KM/m²
5. naknada za V zonu iznosi	2,00 KM/m²
6. naknada za VI zonu iznosi	1,50 KM/m²”

Član 4.

Član 90a. mijenja se i glasi:

“Za zauzimanje javne gradske površine u svrhu prodaje kokica, pomfrita, sladoleda, kukuruza i drugih sličnih proizvoda koji se pripremaju na licu mjesta, prije pribavljanja urbanističke saglasnosti potrebno je prethodno pribaviti sanitarnu saglasnost .

Za zauzimanje javne gradske površine plaća se naknada za jedan mjesec kako slijedi:

1. naknada za I zonu iznosi	11,00 KM/m²
2. naknada za II zonu iznosi	10,00 KM/m²
3. naknada za III zonu iznosi	9,00 KM/m²
4. naknada za IV zonu iznosi	8,00 KM/m²
5. naknada za V zonu iznosi	7,00 KM/m²
6. naknada za VI zonu iznosi	6,00 KM/m²”

Član 5.

Iza člana 90a. dodaje se novi član 90b. koji glasi:

“Član 90b.

Za zauzimanje javne gradske površine, a radi postavljanje kioska i pokretnih grilova, koji služe za obavljanje djelatnosti, određuje se mjesečna naknada kako slijedi:

- 166 -

1. naknada za I zonu iznosi	8,00 KM/m ²
2. naknada za II zonu iznosi	7,00 KM/m ²
3. naknada za III zonu iznosi	6,00 KM/m ²
4. naknada za IV zonu iznosi	5,00 KM/m ²
5. naknada za V zonu iznosi	4,00 KM/m ²
6. naknada za VI zonu iznosi	3,00 KM/m ²

Član 6.

Član 92a. mijenja se i glasi:

“Za zauzimanje javne gradske površine u svrhu organizovanja zabave za djecu (autići i sl.) dozvoljava se, uz prethodno pribavljeno odobrenje nadležnog općinskog organa za komunalne poslove, te urbanističku saglasnost, zauzimanje javne površine uz naknadu za jedan mjesec, kako slijedi:

1. naknada za I zonu iznosi	6,00 KM/m ²
2. naknada za II zonu iznosi	5,00 KM/m ²
3. naknada za III zonu iznosi	4,00 KM/m ²
4. naknada za IV zonu iznosi	3,00 KM/m ²
5. naknada za V zonu iznosi	2,00 KM/m ²
6. naknada za VI zonu iznosi	1,50 KM/m ²

Član 7.

Član 92. Odluke, stav 3 mijenja se i glasi:

“Sezonsko odobrenje za zauzimanje javne površine za postavljanje stolova izdaje općinski organ nadležan za komunalne poslove na osnovu urbanističke saglasnosti i dokaza o uplati naknade za zauzimanje javne površine.

Naknada se plaća mjesečno, kako slijedi:

1. naknada za I zonu iznosi	6,00 KM/m ²
2. naknada za II zonu iznosi	5,00 KM/m ²
3. naknada za III zonu iznosi	4,00 KM/m ²
4. naknada za IV zonu iznosi	3,00 KM/m ²
5. naknada za V zonu iznosi	2,50 KM/m ²
6. naknada za VI zonu iznosi	2,00 KM/m ²

- 167 -

Član 8.

Iza člana 113. Odluke dodaje se novi član 113a. koji glasi:

“113a.

Naknada za postavljanje reklamnih panoa, oznaka i slično, na javnim površinama, utvrđuje se kako slijedi:

1. naknada za I zonu iznosi	85,00 KM/m²
2. naknada za II zonu iznosi	80,00 KM/m²
3. naknada za III zonu iznosi	75,00 KM/m²
4. naknada za IV zonu iznosi	70,00 KM/m²
5. naknada za V zonu iznosi	65,00 KM/m²
6. naknada za VI zonu iznosi	60,00 KM/m²
7. van urbanog područja	50,00 KM/m²

Za svaki postavljeni svijetleći reklamni pano, uz određenu naknadu iz prethodnog stava, obračunava se i utrošak električne energije, za panoe koji su priključeni na javnu rasvjetu, a po tarifnom cjenovniku Elektrodistribucije.”

Član 9.

Iza člana 114. Odluke, dodaje se novi član 114a. koji glasi:

“114a.

Za svaku postavljenu objavu, obavještenje, džambo plakat i slično na području grada, organ nadležan za komunalne poslove izdat će rješenje ovalštenom licu koje je postavilo – istaklo objavu i to kako slijedi:

- Za istaknute objave sportskih takmičenja od značaja za kanton i Federaciju BiH, do sedam dana plaća se naknada u iznosu od 3,00 KM po istaknutom mjestu na području grada”**

Član 10.

Član 130, mijenja se i glasi:

“Štale, svinjci i ograđeni ispusti za stoku moraju biti izgrađeni na način dat u članu 55. ove Odluke. Zatvorena ili ograđena boravišta životinja moraju se držati u čistom stanju.

Po potrebi, a poslije čišćenja obavezno prostori iz stava 1. ovog člana moraju se dezinficirati.

- 168 -

Član 11.

Član 143., tačka 11. mijenja se i glasi:

“Ako se štale, svinjci i ograđeni ispusti za stoku ne održavaju i ukoliko se domaće životinje i pčele drže protivno članu 130.”

Član 12.

Ovlašćuje se Komisija za Statut i propise da uradi prečišćeni tekst odluke.

Član 13.

Ova Odluka stupa na snagu danom objavljivanja u “Službenom glasniku Općine Zavidovići”.

OPĆINA ZAVIDOVIĆI
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-23-476
Dana: 1.7.2002.godine

(M.P.)

Fuad Berberović, s.r.

II – AKTI OPĆINSKOG NAČELNIKA

Na osnovu člana 13. stav 1. Zakona o javnim preduzećima («Službeni list RBiH», broj 4/92 i 21/92), Općinski načelnik Zavidovići, donio je

RJEŠENJE

***o davanju saglasnosti na imenovanje direktora
Javnog preduzeća «Veterinarska stanica» Zavidovići***

I

Daje se saglasnost na odluku Upravnog odbora Javnog preduzeća «Veterinarska stanica» Zavidovići, broj 26/02 od 27.05.2002.godine kojom je Bilalović Salih, dr.vet.med.imenovan za direktora Javnog preduzeća «Veterinarska stanica» Zavidovići.

II

Ovo rješenje stupa na snagu danom donošenja, a bit će objavljeno u «Službenom glasniku općine Zavidovići».

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKI NAČELNIK -

OPĆINSKI NAČELNIK
Selvedina Uljić, dipl.ing.maš., s.r.

Broj: 01/1-49-1488/02
Datum, 18.06.2002.godine

(M.P.)

III – AKTI SLUŽBE ZA UPRAVU PRIVREDNIH DJELATNOSTI

Na osnovu člana 7. Odluke o organizaciji i načinu obavljanja taksi prijevoza lica na području Zeničko-dobojskog kantona («Službene novine ZE-DO kantona», broj 2/02), Služba za upravu privrednih djelatnosti općine Zavidovići, d o n o s i

P R A V I L N I K**o uslovima i obavljanju taksi-prijevoza
na području općine Zavidovići****I – OPĆE ODREDBE****Član 1.**

Ovim pravilnikom uređuju se odnosi u oblasti obavljanja taksi prijevoza na području općine Zavidovići, a naročito:

- uslovi za obavljanje taksi prijevoza na području općine Zavidovići,
- broj i razmještaj taksi stajališta,
- kriteriji za red prvenstva u raspoređivanju taksi vozila na stajalištu,
- način raspoređivanja taksi prijevoznika po stajalištima,
- red i rad na taksi stajalištu,
- naknada za upotrebu taksi stajališta,
- prestanak prava korištenja dopunskih oznaka raspoređenog stajališta i raspoređivanja na drugo stajalište,
- prelazne i završne odredbe.

II – USLOVI ZA OBAVLJANJE TAKSI PRIJEVOZA**Član 2.**

Pravo na podnošenje zahtjeva za izdavanje odobrenja rasporeda na taksi stajalištu i dopunskih oznaka za obavljanje taksi prijevoza na području općine Zavidovići stiču privredna društva i druga pravna lica upisana u sudski registar za obavljanje djelatnosti, kao i fizička lica koja imaju odobrenje nadležne općinske službe i kojima je to osnovna djelatnost, a koja ispunjavaju uslove iz Zakona o prijevozu u unutarjem cestovnom prometu i podzakonskih akata donesenih u cilju sprovođenja tog Zakona.

Pravnim i fizičkim licima koji ispunjavaju uslove iz stava 1. ovog člana, pitanje oznaka i rasporeda rješava se prema utvrđenom redu prvenstva davanja oznaka, odnosno rasporeda i korištenja taksi stajališta.

- 171 -

Član 3.

Pravna i fizička lica mogu otpočeti obavljati taksi prijevoz ukoliko posjeduju licencu za obavljanje taksi prijevoza izdatu od Ministarstva za prostorno uređenje, promet i komunikacije i zaštitu okoline Zeničko-dobojskog kantona.

Član 4.

Taksi vozila moraju imati dvije dopunske oznake u vidu naljepnice elipsastog oblika prečnika 12x7 cm.

Dopunska oznaka sadrži: naziv kantona i općine, ime i prezime, prebivalište taksi prijevoznika, evidencijski broj taksi vozila i godinu važenja.

Na taksi vozilo se postavljaju dvije dopunske oznake i to: u desnom donjem dijelu prednjeg i lijevom donjem dijelu zadnjeg vjetrobranskog stakla.

Osnovnu boju naljepnica i boju simbola za svaku godinu određuje nadležno Ministarstvo.

Član 5.

Nabavku i izdavanje dopunskih oznaka vrši Služba za upravu privrednih djelatnosti (u daljem tekstu: Služba).

Sredstva za nabavku dopunskih oznaka obezbjeđuju se iz sredstava prikupljenih po osnovu uplata za upotrebu taksi stajališta.

Dopunske oznake izdaje Služba iz stava 1. ovog člana uz naknadu čiji se iznos utvrđuje posebnim aktom za svaku godinu.

Član 6.

Dopunske oznake se nose za vrijeme obavljanja taksi prijevoza.

Član 7.

Taksi prijevoznik je dužan da dopunske oznake održava čisto i uredno o svom trošku.

Član 8.

Dopunse oznake se ne smiju otuđiti niti se na njima smije vršiti bilo kakva izmjena.

Član 9.

Taksi prijevoznici nisu dužni da nose dopunske oznake kada ne vrše javni prijevoz lica u slobodnom cestovnom prometu.

Član 10.

Dopunske oznake se izdaju do 15. januara za tekuću godinu i važe do kraja godine.

Član 11.

U slučaju odjave taksi djelatnosti ili zabrane obavljanja taksi djelatnosti, prestanka važenja licence, taksi prijevoznik je dužan dopunske oznake vratiti Službi u roku od 15 dana od dana prestanka obavljanja djelatnosti.

Služba je dužna voditi evidenciju izdatih i vraćenih dopunskih oznaka taksi prijevoznika.

- 172 -

Član 12.

Pravo na korištenje dopunskih oznaka taksi prijevoznik zadržava u slučaju privremene obustave djelatnosti taksi prijevoza i to:

- za vrijeme bolovanja,
- za vrijeme odsluženja vojnog roka,
- za vrijeme za koje je taksi vozaču privremeno oduzeta vozačka dozvola,
- za vrijeme koje taksi vozač provede na poslovima i zadacima po pozivu ovlaštenog organa,
- kao i za vrijeme spriječenosti u radu iz opravdanih razloga.

Član 13.

Taksi vozač pored osnovnih uslova propisanih Zakonom o prijevozu u unutarnjem cestovnom prometu, moraju imati položen ispit za taksi vozača, koji se polaže pred ispitnom komisijom koju imenuje ministar Ministarstva.

O položenom ispitu izdaje se uvjerenje koje je taksi prijevoznik dužan prezentirati pri podnošenju zahtjeva za određivanje taksi stajališta i izdavanje dopunskih oznaka.

Član 14.

Uz zahtjev za izdavanje odobrenja za raspored na taksi stajalištima, taksi prijevoznik je dužan pored dokaza o ispunjenosti uslova iz člana 2. i 3. ovog pravilnikak, priložiti i dokaz o uplati naknade za korištenje taksi stajališta za tekuću godinu kao i dokaz o izmirenim poreskim obavezama.

Član 15.

Za vrijeme obavljanja taksi-prijevoza, taksi vozač mora biti uredno i pristojno odjeven i uljudno se odnositi prema putnicima.

Član 16.

Taksi vozilo pored uslova propisanih Zakonom i podzakonskim aktima, mora ispunjavati sljedeće uslove:

- oznaku na krovu vozila sa natpisom «TAXI» dimenzija 260x120 mm,
- taksi vozilo mora biti obojeno žutom bojom kataloške oznake RAL-1021, s tim da su prijevoznici koji posjeduju odobrenje i licencu dužni boju vozila uskladiti u roku od 1 godine,
- taksi vozila su dužna imati oznaku «RADIO-TAXI» ukoliko posjeduju radio taks, a shodno odredbama Odluke

III – BROJ I RAZMJESTAJ TAKSI STAJALIŠTA

Član 17.

Taksi stajalište je propisano uređena i označena površina, gdje se zadržavaju taksi vozila i to po redu dolaska u cilju prijema narudžbi i prijevoza putnika prema redoslijedu.

- 173 -

Član 18.

Taksi stajalište mora se obilježiti propisanom vertikalnom i horizontalnom signalizacijom i to:

- postavljanjem table plave boje sa ispisanim nazivom i brojem taksi stajališta, te saobraćajnog znaka «ZABRANJENO ZAUSTAVLJANJE I PARKIRANJE» sa dopunskom tablom «OSIM TAKSI VOZILA»,
- na saobraćajnoj površini određenoj za taksi stajališta potrebno je propisno označiti stajališna mjesta.

Član 19.

Broj i razmještaj taksi stajališta, te broj stajališnih mjesta na taksi stajalištima koja se nalaze na javnim površinama utvrđuje Služba za upravu privrednih djelatnosti – Odsjek za urbanizam i prostorno uređenje za svaku kalendarsku godinu do 30.januara tekuće godine, a u skladu sa odredbom člana 6. Odluke o organizaciji i načinu obavljanja taksi-prijevoza lica na području ZE-DO kantona.

Prilikom utvrđivanja broja i razmještaja taksi stajališta Služba iz stava 1. će se rukovoditi standardima i normama koje utvrđuju broj taksista u odnosu na broj stanovnika, a kada se za to objektivno steknu uslovi.

Član 20.

Uređenje i održavanje taksi stajališta vrši Služba iz člana 19.

IV – RASPOREĐIVANJE TAKSI VOZILA NA TAKSI STAJALIŠTIMA

Član 21.

Raspored taksi vozila na taksi stajalištima uređuje Komisija, a prema rasporedu prijave taksi prijevoznika podnesenih Službi.

Komisiju iz prethodnog stava formira Služba svojim rješenjem.

Komisija se sastoji od predsjednika i 2 člana.

Član 22.

Novi taksi prijevoznici i njihova vozila koji počinju sa radom raspoređuju se na upražnjena mjesta koja utvrđuje Komisija.

Član 23.

Taksista kojem je određeno taksi stajalište može izvršiti zamjenu sa drugim taksistom za njegovo taksi stajalište ukoliko je to povoljnije za obojicu.

Zamjena taksi stajališta iz prethodnog stava može se izvršiti samo uz pismene izjave taksista koji mijenjaju taksi stajališta, a uz saglasnost Komisije, o čemu se izdaje posebno rješenje.

- 174 -

Član 24.

Taksi vozač je dužan za vrijeme rada držati odobrenje za korištenje taksi stajališta.

**V – KRITERIJI ZA RED PRVENSTVA U RASPOREĐIVANJU
TAKSI VOZILA NA TAKSI STAJALIŠTA**

Član 25.

Taksi prijevoznik ima pravo da podnese zahtjev za rješavanje pitanja raspoređivanja svog taksi vozila ako ispunjava uslove iz člana 2. i 3. ovog pravilnika.

Član 26.

Kriteriji na osnovu kojih se utvrđuje red prvenstva u raspoređivanju taksi vozila na stajalištima za privredna društva i fizička lica su:

KRITERIJI	BODOVI
- za rad u svojstvu taksi prijevoznika na području općine Zavidovići za svaku godinu	12
- za svaki mjesec neprekidnog rada u svojstvu taksi prijevoznika koje ostvare na području općine	1
- blizina-odnosno područje stanovanja zbog ekonomičnosti ukoliko se ne kosi sa drugim kriterijima	1

Član 27.

Redoslijed prvenstva (lista prioriteta) raspoređivanja taksi vozača utvrđuje se prema redoslijedu prijava i broju bodova.

Listu prioriteta u smislu prethodnog stava utvrđuje Komisija iz člana 21.

Član 28.

Utvrđena lista prioriteta taksi prijevoznika objavljuje se na oglasnoj tabli općine Zavidovići.

Svaki taksi prijevoznik sa područja općine Zavidovići ima pravo da u roku od 15 dana od dana objavljivanja liste prioriteta stavi prigovor na način bodovanja podnosilaca zahtjeva. Komisija za raspoređivanje dužna je da donese Odluku o prigovoru u roku od 30 dana od dana podnošenja prigovora.

Odluka po prigovoru je konačna.

Član 29.

Listu prioriteta za rješavanje pitanja raspoređivanja taksi vozila stupa na snagu trećeg dana po objavljivanju na oglasnoj ploči općine Zavidovići.

- 175 -

Član 30.

Lista prioriteta utvrđuje se za svaku godinu i to do kraja januara tekuće godine.

**VI – NAČIN RASPOREĐIVANJA TAKSI
PRIJEVOZNIKA PO STAJALIŠTIMA**

Član 31.

Na jedno stajališno mjesto taksi stajališta mogu se rasporediti 2 (dva) taksi vozila, s tim što istovremeno na taksi stajalištu ne može biti parkirano više taksi vozila nego što ima obilježenih stajališnih mjesta.

Općinska komisija izuzetno može, na osnovu pokazatelja o dnevnom kretanju putnika, na jednom taksi stajališnom mjestu rasporediti maksimalno tri taksi vozila ukoliko se za to ukaže potreba.

Član 32.

Taksi stajalište na području općine Zavidovići mogu koristiti samo taksisti sa ovog područja.

VII – RED I RAD NA TAKSI STAJALIŠTIMA

Član 33.

Taksi prijevoznik, odnosno taksi vozač prima putnike na prijevoz na taksi stajalištu na koje je raspoređen po redoslijedu pristizanja na stajalište.

Putnici se mogu primati na prijevoz i van taksi stajališta, ako se zaustavljanjem taksi vozila ne ugrožava normalno i bezbjedno odvijanje saobraćaja.

Izuzetno, ukoliko putnik ima posebnih zahtjeva u pogledu urednosti, komfora ili uljudnosti vozača može zatražiti uslugu i od taksi prijevoznika čije vozilo nije na prvom mjestu taksi stajališta.

Ukoliko taksi vozač čije se vozilo nalazi na taksi stajalištu na prvom mjestu odbije zahtjev putnika da ga vozi dužan je svoje vozilo vratiti na zadnje mjesto na istom stajalištu.

Član 34.

Vozač taksi vozila dužan je u potpunosti izvršiti usluge prema licima koja su ga unaprijed i za određeno vrijeme angažovala.

Ukoliko nije u mogućnosti naručenu vožnju započeti ili započetu završiti, vozač taksi vozila obavezan je za najkraće vrijeme licima koja su naručila prijevoz obezbijediti drugo vozilo i taksi vozača.

Eventualne troškove pretovara prtljaga u slučaju započete, a nezavršene vožnje snosi taksi vozač.

Član 35.

Taksi prevoznik dužan je pružiti uslugu svakom licu koje prijevoz naruči neposredno ili telefonom bez obzira na dužinu vožnje osim:

- 176 -

- ako je naručilac pod uticajem alkohola i drugih opojnih sredstava,
- ako su naručilac i njegov prtljag toliko prljavi da bi mogli uprljati unutrašnjost vozila ili druga lica koja se prevoze,
- taksi prijevoznik ne smije prevoziti bez pratnje djecu mlađu od 7 godina,
- ako uslovi na putu ne omogućavaju normalnu i bezbjudnu vožnju.

Član 36.

Taksi prijevoznik dužan je primiti prtljag lica koje prevozi ako njegova masa ne prelazi diše od 50 kg.

Član 37.

Ako lice naruči prijevoz telefonskim pozivom ili nekim drugim načinom (radio taksi), putnik se prima na prijevoz na mjesto koje odredi, a naknada za prijevoz računa se od mjesta prijema putnika.

Član 38.

Taksi vozač dužan je prijevoz obaviti najkraćim putem, odnosno putem kojeg mu odredi putnik, ako uslovi puta omogućavaju taksi vožnju.

Po završetku vožnje lice je dužno platiti ugovorenu ili taksimetrom utvrđenu cijenu prijevoza.

Ukoliko taksi vozač ne uključi taksimetar, a cijena prijevoza nije ugovorena, lica koja se prevoze nisu obavezna platiti naknadu za izvršenu uslugu prijevoza, osim cijene starta utvrđenu cjenovnikom.

Član 39.

Za vrijeme dok je taksi vozilo parkirano na taksi stajalištu, vozač taksi vozila, zbog efikasnog pružanja usluga, dužan je biti u taksi vozilu ili pored taksi vozila.

Član 40.

Cijena taksi prijevoza utvrđena taksimetrom ne može se uvećavati bez obzira na broj lica koja se prevoze.

Ukoliko se istim vozilom prevozi viš lica, cijena prijevoza dijeli se podjednako na sve korisnike taksi usluga.

Član 41.

Cijena taksi prijevoza utvrđuje se taksimetrom po cjenovniku usluga.

Cjenovnik usluga koji se utvrđuju taksimetrom utvrđuje Udruženje taksi vozača. Na cjenovnik usluga iz stava 2. saglasnost daje Služba za upravu privrednih djelatnosti.

Udruženje taksi vozača ovjerava cjenovnik usluga za svakog taksi prijevoznika pojedinačno.

Član 42.

Taksi prijevoznik je dužan za vrijeme taksi prijevoza istaknuti ovjereni cjenovnik usluga na vidnom mjestu vozila.

VIII – NAKNADA ZA UPOTREBU TAKSI STAJALIŠTA

Član 43.

Za upotrebu taksi stajališta na javnim površinama plaća se godišnja naknada. Naknada iz stava 1. utvrđuje se aktom Načelnika općine, na prijedlog Službe.

Član 44.

Novi taksi-prijevoznici obavezni su plaćati posebnu naknadu za korištenje taksi stajališta na ime troškova uređenja i održavanja stajališta, nabavke uređaja i drugog. Ova naknada utvrđuje se aktom Načelnika općine.

IX – PRESTANAK PRAVA KORIŠTENJA DOPUNSKIH OZNAKA, KORIŠTENJA ODREĐENOG STAJALIŠTA I RASPOREĐIVANJE NA DRUGO STAJALIŠTE

Član 45.

Taksi prijevozniku koji obavlja djelatnost taksi prijevoza može se izreći mjera prestanka korištenja dopunskih oznaka i stajališta ili raspored na drugo stajalište u sljedećim slučajevima:

- ako u utvrđenom roku ne izvrši zamjenu dopunskih oznaka,
- ako u toku tekuće godine napravi tri prekršaja iz odredbi Zakona o prijevozu u unutrašnjem i cestovnom prometu i drugih propisa,
- ako je dobio na upotrebu dopunske oznake i raspored na stajalištima na osnovu falsifikovanih dokumenata ili davanjem netačnih podataka,
- ako se nekulturno i nasilnički ponaša prema građanima-korisnicima taksi usluga,
- na prijedlog većine taksi vozača sa istog stajališta,
- ako onemogućava i ometa rad Komisije.

Mjeru prestanka korištenja dopunskih oznaka, korištenja taksi stajališta i premještanje na drugo stajalište donosi nadležna Služba na osnovu provedenih dokaza od strane Komisije. Mjera se izriče u najkraćem roku, a najkasnije do početka naredne godine, kada se vrši raspored taksista po taksi stajalištima.

Član 46.

Na slobodna taksi stajališta raspoređuju se taksi prijevoznici prema redoslijedu dobijanja odobrenja za rad, odnosno rednog broja priznanice o plaćenju naknadi za održavanje taksi stajališta.

X – PRELAZNE I ZAVRŠNE ODREDBE

Član 47.

Izmjene i dopune ovog pravilnika vrše se po postupku za njegovo donošenje uz saglasnost Ministarstva za prostorno uređenje, promet i komunikacije i zaštitu okoline Zeničko-dobojskog kantona.

- 178 -

Član 48.

Tumačenje odredaba ovog pravilnika daje Služba općine Zavidovići.

Član 49.

Ovaj pravilnik stupa na snagu danom davanja saglasnosti Ministarstva za prostorno uređenje, promet i komunikacije i zaštitu okoline Zeničko-dobojskog kantona.

Član 50.

Postojeća taksi vozila koja su po ranijim pravilima Udruženja taksista bila raspoređena na pojedina stajališta, zadržavaju stečena prava raspoređivanja na ista pod uslovom da su izmirili sve obaveze u pogledu uplata javnih prihoda i drugih uplata propisanih za obavljanje ove djelatnosti.

Član 51.

Sva pitanja koja se odnose na način korištenja, red i rad na taksi stajalištima i druga pitanja za obavljanje auto taksi djelatnosti, a nisu obuhvaćena ovim pravilnikom, primjenjivat će se odredbe Zakona i drugih podzakonskih akata koji regulišu ovu oblast.

Član 52.

Ovaj pravilnik objavit će se u «Službenom glasniku općine Zavidovići».

Broj: 03-27-588/02

Datum, 24.5.2002.godine

(M.P.)

POMOĆNIK NAČELNIKA

mr.Mirsad Džaferović, s.r.

Na osnovu člana 7. i 37. Odluke o organizaciji i načinu obavljanja taksi-prevoza lica na području Zeničko-dobojskog kantona («Službene novine ZE-DO kantona», broj 2/02), Ministarstvo za prostorno uređenje, promet i komunikacije i zaštitu okoline na prijedlog Službe za upravu privrednih djelatnosti općine Zavidovići, d o n o s i

Z A K L J U Č A K

I

Službi za upravu privrednih djelatnosti općine Zavidovići daje se saglasnost na Pravilnik o uslovima i obavljanju taksi – prevoza na području općine Zavidovići, broj 03-27-588/02 od maja 2002.godine (originalan primjerak Pravilnika ostaje u Ministarstvu).

II

Zaključak stupa na snagu danom donošenja.

Broj: 12-27-11421/02
Zenica, 28.05.2002.godine

(M.P.)

M I N I S T A R

Muhamed Šibonjić, dipl.pravnik, s.r.

S A D R Ź A J

I – AKTI OPĆINSKOG VIJEĆA

Strana

- | | |
|--|-----|
| 1. ODLUKA o izmjenama i dopunama Odluke o
komunalnom redu i sanitarnom minimumu | 164 |
|--|-----|

II – AKTI OPĆINSKOG NAČELNIKA

- | | |
|--|-----|
| 1. RJEŠENJE o davanju saglasnosti na imenovanje
direktora Javnog preduzeća «Veterinarska stanica»
Zavidovići | 169 |
|--|-----|

III – AKTI SLUŽBE ZA UPRAVU PRIVREDNIH DJELATNOSTI

- | | |
|---|-----|
| 1. PRAVILNIK o uslovima i obavljanju taksi-prijevoza na
području općine Zavidovići | 170 |
| 2. Zaključak Ministarstva za prostorno uređenje, promet i
komunikacije i zaštitu okoline ZE-DO kantona | 179 |